

3.2. Učestvovanje

- 3.2.1. Pravo učestvovanja imaju svi NOK-ovi koje priznanje MOK, a čiji je nacionalni smučarski savez član FIS.
- 3.2.2. Pravo učestvovanja imaju samo oni takmičari koji ispunjavaju uvjete propisane Olimpijskom poveljom.
- 3.2.3. *Broj takmičara*
Svaki NOK može prijaviti najviše četrnaest (14) takmičarki i takmičara (najviše osam – 8 – po spolu).
U svakoj disciplini mogu učestvovati najviše četiri (4) takmičarke ili takmičara iz jednog NOK-a.

3.3. Prijave

3.3.1. *Ekipne prijave*

Obrasci za učestvovanje na XIV ZOI šalju se, putem NOK-a, i moraju stići na adresu:

Organizacioni komitet XIV ZOI

Ul. JNA 23

YU-71000 Sarajevo

najkasnije do 13. decembra 1983. godine do 24.00 sata po jugoslovenskom vremenu.

Zainteresovani NOK može brzojavom poslati prijave, koje moraju sadržavati spisak sportova i disciplina u kojima će nastupiti njegovi sportisti.
Ove prijave moraju potom biti potvrđene pismenim putem.

3.3.2. *Pojedinačne prijave*

Obrasci sa prijavama, koje sadrže tačan broj i imena takmičara u pojedinim disciplinama (uključivši rezerve), moraju stići na adresu:

Organizacioni komitet XIV ZOI

Ul. JNA 23

YU-71000 Sarajevo

najkasnije do 29. januara 1984. godine do 24.00 sata po jugoslovenskom vremenu.

Nikakve promjene ili dodatne prijave neće biti prihvaćene po isteku ovog roka.

3.4. Provjera dopinga

Provjera dopinga vršiće se svakog dana takmičenja prema propisima Zdravstvene komisije MOK i u skladu sa pravilima FIS.

3.5. Provjera ženskosti

Svaka takmičarka dužna je da se prije početka takmičenja podvrgne provjeri ženstvenosti, u skladu sa propisima Zdravstvene komisije MOK i pravilima FIS.

4. Pravila takmičenja

4.1. Tehnička organizacija

- 4.1.1. Tehnička organizacija takmičenja odvija se pod nadzorom FIS.

- 4.1.2. Neposredna organizacija takmičenja povjerena je rukovodstvu takmičenja koje imenuje Organizacioni komitet XIV ZOI u saglasnosti sa Smučarskim savezom Jugoslavije.

4.1.3. *Tehnički delegati*

Međunarodna smučarska federacija imenuje jednog tehničkog delegata za takmičenja u alpskom smučanju za žene i jednog za takmičenja muškaraca.

4.2. Odvijanje takmičenja

- 4.2.1. Takmičenje u alpskim disciplinama odvijaće se po pravilima FIS.
- 4.2.2. Mjerenje vremena vršiće se dvostrukim elektronskim sistemom mjerenja.

4.3. Žrijeb

- 4.3.1. Startni brojevi za petnaest (15) najboljih takmičarki i takmičara prema bodovima FIS, u jednoj disciplini, određuju se žrijebom. Redoslijed za sve ostale određuje se na osnovu njihovih FIS bodova.